

## **Uunga missingiut: Inunnut innarluutilinnut inissatut neqeroorutit pillugit Namminersorlutik Oqartussat nalunaarutaat**

Inuit innarluutilit tapersorneqarnissaannut Inatsisartut inatsisaanni nr. xx xxx 2019-imeersumi §§-ini 13, imm. 3, 14, imm. 3, 15 aamma 18, imm. 3 malillugit tulliuuttut aalajangersarneqarput:

### **Kapitali 1**

#### *Najugaqaqatigiiffiit*

##### *Pitsaassutsimut naliliussat*

§ 1. Inunnut innarluutilinnut najugaqaqatigiiffimmik kommunalbestyrelse pilersitsinermini, najugaqaqatigiiffiup ataatsimoortumik nalilersorneqareernermit pisariaqartitamik pitsaassuseqartuunissaa qulakkiissavaa.

*Imm. 2.* Najugaqaqatigiiffiup pitsaassusaa sammineqartut tulliuuttut iluanni nalilersorneqassaaq:

- 1) Najugaqartut ineriartornissamut periarfissaat, namminneq ilippanaatiminnik atorluaasinnaaneraat, tamannalu aqutigalugu sapinngisamik annerpaamik nammineersinnaasunngorlutik.
- 2) Najugaqartut ilinniagaqarnissamut, suliffeqarnissamut ingerlataqarnissamulluunniit periarfissaat.
- 3) Najugaqaqatigiiffiup sullinniagai, matumani najugaqaqatigiiffiup sullinniakkaminut neqeroorutaasa imarisai, kiisalu najugaqartut namminneq inuunerminni atukkaminut sunnuteqarsinnaanerit ilanngullugit.
- 4) Najugaqaqatigiiffiup periaasaa angusaalu, matumani perorsaariaatsimut, tarnip pissusaatigut imaluunniit tarnikkut nappaatinut suleriaatsit ilanngullugit.
- 5) Najugaqaqatigiiffiup aqqissugaanera aqunneqarneralu.
- 6) Najugaqaqatigiiffimmi sulisut piginnaasaat.
- 7) Najugaqaqatigiiffimmut illutatigut sinaakkusiussat, matumani sullinniakkat pisariaqartitaannut kiisalu ulloq unnuarlu neqeroorutit periaasaanut ikorfartuutaanersut ilanngullugit.

*Imm. 3.* Imm. 2 malillugu pitsaassutissanut malitassat, najugaqaqatigiiffiup pilersinneqarnissaanik kommunalbestyrelsip aalajangernerani takuneqarsinnaassapput. Najugaqaqatigiiffinnut ataasiakkaanut pitsaassutsimut malitassat ataasiakkaat qanoq ilillutik piviusunngortinneqassanersut allaaserineqarsimassaaq.

##### *Malittarisassat*

§ 2. Inunnut innarluutilinnut najugaqaqatigiiffik kommunalbestyrelsimit ingerlanneqartoq malittarisassaqaassaaq, tulliuuttunik imaqartumik:

- 1) Aqqata, angerlarsimaffiata siunertaatalu allaganngorlugu paasissutissiissutigineqarnera.
- 2) Sullinniakkat allaaserinerat.
- 3) Aqutsisut suliassaasa allaaserinerat.
- 4) Akisussaassutsimut maleruagassat kiisalu inummumut pingajuusutut inissisimasumut qanoq iliorsinnaatitaaneq.
- 5) Missingersuusernermut, naatsorsuusernermut kukkunersuusernermullu maleruagassat.
- 6) Malittarisassanik allannuunermut ingerlatseriaaseq.

##### *Ulluinnarni aqutsineq*

§ 3. Inunnut innarluutilinnut najugaqaqatigiiffimmi pisortaq kommunalbestyrelsip atorfinitsittassavaa soraarsittassallugulu.

*Imm. 2.* Najugaqaqatigiiffiup ulluinnarni aqunneqarnera pisortap suliassaraa.

*Imm. 3.* Pisortap najugaqaqatigiiffimmi sulisut sinneri inatsisit isumaqatigiissutillu atuuttut malillugit atorfinitsittassavai soraarsittarlugillu.

*Imm. 4.* Imm. 1 malillugu pisortamik, aamma imm. 3 malillugu sulisunik atorfinitsitsinermi pinerluuteqarsimanginnermik uppersarsaat pisariaqarfiinilu meeqqamik pinerliisimanginnermik uppersarsaatit piniarneqassapput.

§ 4. Pisortap qulakkiissavaa najugaqaqatigiiffik ima ingerlanneqassasoq, najugaqartut:

- 1) piginnaasat sapinngisallu ulluinnarni inuunerisamik oqinnerulersitsisinnaasut anguneqartillugit, taamatut iliornikkut ataasiakkaat nammineersinnaalernissamut periarfissaat siuarsarneqassalluni,
- 2) ilaqtutanut attaveqatigisartakkanullu attuumassutit attatiinnarsinnaassallugit, aamma
- 3) inuttut ineriartornissamut inooqatigiinnilu sammisaqartitsinernut peqataanissamut periarfissaqartitaallutik.

§ 5. Sulisut ataatsimut isigalugit imatut angusaqarsimanissaat pisortap qulakkiissavaa:

§ 6. Najugaqaqatigiiffiup sullinniakkat pisariaqartitaannik ineriartornissamullu periarfissaannik siuarsaasutut aqqissugaasimanissaa pisortap qulakkiissavaa.

## **Kapitali 2**

### *Najugaqarfiit illersugaasut*

#### *Pitsaassusissamut malitassat*

§ 7. Inunnut innarluutilinnut najugaqarfimmik illersugaasumik pilersitsinermi, najugaqarfiup illersugaasup ataatsimoortumik nalilersorneqareernermigut pisariaqartitamik pitsaassuseqartuunissaa kommunalbestyrelsip qulakkiissavaa.

*Imm. 2.* Najugaqarfiup illersugaasup pitsaassusaa sammineqartut tulluuttut iluanni nalilersorneqassaaq:

- 1) Najugaqartut ineriartornissamut periarfissaat, namminneq ilippanaatiminnik atorluaasinnaaneraat, taakkulu aqputigalugit sapinngisamik annerpaamik nammineersinnaasunngorlutik.
- 2) Najugaqartut ilinniagaqarnissamut, suliffeqarnissamut ingerlataqarnissamulluunniit periarfissaat.
- 3) Najugaqarfiup illersugaasup sullinniagai, ilanngullugit najugaqarfiup sullinniakkaminut neqeroorutaasa imarisai, kiisalu najugaqartut namminneq inuunerminni atukkaminut sunniuteqarsinnaanerat.
- 4) Najugaqarfiup illersugaasup periaasaa angusaalu, matumani perorsaariaatsimut, tarnip pissusaatigut imaluunniit tarnikkut nappaatinut suleriaatsit ilanngullugit.
- 5) Najugaqarfiup illersugaasup aqqissugaanera aqunneqarneralu.
- 6) Najugaqarfiummi illersugaasumi sulisut piginnaasaat.
- 7) Najugaqarfiummi illersugaasumi illutatigut sinaakkusiussat, matumani sullinniakkat pisariaqartitaannut kiisalu ulloq unnuarlu neqeroorutip periaasianut ikorfartuutaanersut ilanngullugit.

*Imm. 3.* Imm. 2 malillugu najugaqarfiup illersugaasup pilersinneqarnissaanik kommunalbestyrelsip aalajangernerani pitsaassutsimut malitassat takuneqarsinnaassapput. Najugaqarfiummi illersugaasuni ataasiakkaanut pitsaassutsimut malitassat ataasiakkaat qanoq ilillutik piviusunngortinneqassanersut allaaserineqarsimassaaq.

#### *Malittarisassat*

§ 8. Inunnut innarluutilinnut najugaqarfik illersugaasoq kommunalbestyrelsimit ingerlanneqartoq malittarisassaqaasaq, tulliuuttunik imaqartumik:

- 1) Aqqata, angerlarsimaffiata siunertaatalu allaganngorlugu paasissutissiissutigineqarnera.
- 2) Sullinniakkat allaaserinerat.
- 3) Aqutsisut suliassaasa allaaserinerat.
- 4) Akisussaassutsimut maleruagassat kiisalu inummut pingajuusutut inissisimasumut qanoq iliorsinnaatitaaneq.
- 5) Missingersuusiordermut, naatsorsuuserinnermut kukkunersuinnermullu maleruagassat.
- 6) Malittarisassanik allanguinnernut ingerlatseriaaseq.

#### *Ulluinnarni aqutsineq*

§ 9. Inunnut innarluutilinnut najugaqarfimmi illersugaasumi pisortaq kommunalbestyrelsip atorfinitsittassavaa soraarsittassallugulu.

*Imm. 2.* Najugaqarfiup illersugaasup ulluinnarni aqunneqarnera pisortap suliassaraa.

*Imm. 3.* Pisortap najugaqarfimmi illersugaasumi sulisut sinneri inatsisit isumaqatigiissutillu atuuttut malillugit atorfinitsittassavai soraarsittarlugillu.

*Imm. 4.* Imm. 1 malillugu pisortamik, aamma imm. 3 malillugu sulisunik atorfinitsitsinnermi pinnerluuteqarsimanninnermik uppersaataat pisariaqarfiinilu meeqqamik pinnerliisimanninnermik uppersaataat pinnerneqassapput.

§ 10. Najugaqarfik illersugaasoq ima ingerlanneqassasoq najugaqartut pisortap qulakkiissavaa:

- 1) piginnaasat sapinngisallu ulluinnarni inuunerisamik oqinnerulersitsisinnera anguneqartillugit, taamatut iliornikkut ataasiakkaat nammineersinnaalernissamut periarfissaat siuarsarneqassalluni,
- 2) ilaquttanut attaveqatigisartakkanullu attuumassutit attatiinnarsinnaassallugit, aamma
- 3) inuttut ineriartornissamut inooqatigiinnilu sammisaqartitsinnermut peqataanissamut periarfissaqartitaallutik.

§ 11. Sulisut ataatsimut isigalugit imatut angusaqarsimanissaat pisortap qulakkiissavaa:

- 1) naleqquttumik ilinniarsimasuunissaat,
- 2) sullinniakkat pillugit nutaanerpaanik ilisimasaqarnissaat aamma
- 3) sullinniakkat misilittagaqarfigissagaat.

§ 12. Najugaqarfiup illersugaasup sullinniakkat pisariaqartitaannik ineriartornissamullu periarfissaannik siuarsaasutut aqqissugaasimanissaa pisortap qulakkiissavaa.

### **Kapitali 3**

#### *Ulloq unnuarlu neqeroorutit*

#### *Ulloq unnuarlu neqeroorummik pilersitsineq*

§ 13. Inunnut innarluutilinnut ulloq unnuarlu neqeroorutit Isumaginninnermut Aqutsisoqarfimmit pilersinneqassapput ingerlanneqarlutillu.

#### *Pitsaassusissamut malitassat*

§ 14. Inunnut innarluutilinnut ulloq unnuarlu neqeroorummik pilersitsinnermi, ulloq unnuarlu neqeroorutit ataatsimoortumik nalilersorneqarenermigut pisariaqartitamik pitsaassuseqartuunissaa Isumaginninnermut Aqutsisoqarfiup qulakkiissavaa.

*Imm. 2.* Najugaqatigiiffiup pitsaassusaa sammineqartut tulliuuttut iluanni nalilersorneqassaaq:

- 1) Najugaqartut ineriartornissamut periarfissaat, namminneq ilippanaatiminnik atorluaasinnaaneraat, taakkulu aqquutigalugit sapinngisamik annerpaamik nammineersinnaasunngorlutik.
  - 2) Najugaqartut ilinniagaqarnissamut, suliffeqarnissamut ingerlataqarnissamulluunniit periarfissaat.
  - 3) Ulloq unnuarlu neqeroorutip sullinniagai, ilanngullugit najugaqarfiup sullinniakkaminut neqeroorutaasa imarisai, kiisalu najugaqartut namminneq inuunerminni atukkaminut sunniuteqarsinnaanerat.
  - 4) Ulloq unnuarlu neqeroorutip periaasaa angusaalu, matumani perorsaariaatsimut, tarnip pissusaatigut imaluunniit tarnikkut nappaatinut suleriaatsit ilanngullugit.
  - 5) Ulloq unnuarlu neqeroorutip aqqissugaanera aqunneqarneralu.
  - 6) Ulloq unnuarlu neqeroorummi sulisut piginnaasaat.
  - 7) Ulloq unnuarlu neqeroorummi illutatigut sinaakkusiussat, matumani sullinniakkat pisariaqartitaannut kiisalu ulloq unnuarlu neqeroorutip periaasianut ikorfartuutaanersut ilanngullugit.
- Imm. 3.* Imm. 2 malillugu ulloq unnuarlu neqeroorutip pilersinneqarnissaanik Isumaginninnermut Aqutsisoqarfiup aalajangernerani pitsaassutsimut malitassat takuneqarsinnaassapput. Ulloq unnuarlu neqeroorutinitu ataasiakkaanut pitsaassutsimut malitassat ataasiakkaat qanoq ilillutik piviusunngortinneqassanersut allaaserineqarsimassaaq.

#### *Malittarisassat*

**§ 15.** Inunnut innarluutilinnut ulloq unnuarlu neqeroorut Isumaginninnermut Aqutsisoqarfimmit ingerlanneqartoq malittarisassaqaassaaq, tulluuttunik imaqartumik:

- 1) Aqqata, angerlarsimaffiata siunertaatalu allaganngorlugu paasissutissiissutigineqarnera.
- 2) Perorsaanermi siunertarineqartut allaaserineqarneri
- 3) Sullinniakkat allaaserinerat.
- 4) Aqutsisut suliassaasa allaaserinerat.
- 5) Akisussaassutsimut maleruagassat kiisalu inummut pingajuusutut inissisimasumut qanoq iliorsinnaatitaaneq.
- 6) Missingersuusiormermut, naatsorsuuserinermut kukkunersiuinermullu maleruagassat.
- 7) Malittarisassanik allannguinernut ingerlatseriaaseq.

#### *Ulluinnarni aqutsineq*

**§ 16.** Inunnut innarluutilinnut ulloq unnuarlu neqeroorummi pisortaq Isumaginninnermut Aqutsisoqarfiup atorfinitsittassavaa soraarsittassallugulu.

*Imm. 2.* Ulloq unnuarlu neqeroorutip ulluinnarni aqunneqarnera pisortap suliassaraa.

*Imm. 3.* Pisortap ulloq unnuarlu neqeroorummi sulisut sinneri inatsisit isumaqatigiissutillu atuuttut malillugit atorfinitsittassavai soraarsittarlugillu.

*Imm. 4.* Imm. 1 malillugu pisortamik, aamma imm. 3 malillugu sulisunik atorfinitsitsinermi pinerluuteqarsimannginnermik uppersaasaat pisariaqarfinilu meeqqamik pinerliisimannginnermik uppersaasaatit piniarneqassapput.

#### *Ulloq unnuarlu neqeroorutit matoqqasut*

**§ 17.** §§ 14-15-imi piumasaqaatinik eqqortitsinermi saniatigut, ulloq unnuarlu neqeroorut matoqqasoq, ulloq unnuarlu neqeroorutit matoqqasutut immikkut ittumik akuersissutigineqarfigineqassaaq.

*Imm. 2.* Ulloq unnuarlu neqeroorut matoqqasoq najugaqarfittut nammineersutut aqqissugaasinnaavoq, imaluunniit inunnut annertuumik innarluutilinnut najugaqarfimmut atatinneqarsinnaalluni.

**§ 18.** Inuit innarluutillit tapersorsorneqarnissaannut Inatsisartut inatsisaanni §§ 51 imaluunniit 52 malillugit eqqartuussivik aalajangersimappat tigusarinnineq tigummigallagaanerluunniit ulloq unnuarlu neqeroorummi attatiinnarneqassasoq, imaluunniit Pinerluttunik Isumaginnittuni aqutsisut immikkoortoqarfimmi matoqqasumi inissiisoqassasoq aalajangersimappata, ulloq unnuarlu neqeroorut matoqqasoq taamaallaat inunnik tigusisinnaavoq.

*Imm. 2.* Imm. 1 malillugu eqqartuussivik imaluunniit Pinerluttunik Isumaginnittuni aqutsisut aalajangerpata ulloq unnuarlu neqeroorummi matoqqasumi inissiisoqassasoq, kommunalbestyrelse aalajangiineq erngerluni eqquutsissallugu pisussaatitaavoq.

**§ 19.** Ulloq unnuarlu neqeroorut matoqqasoq imatut aaqqissorneqassaaq, najugaqartut suliassaqaarnissamut sunngiffimmilu sammisaqaarnissamut periarfissaqaassallutik.

*Imm. 2.* Ulloq unnuarlu neqeroorut ataatsimoorussamik ineqassaaq, najugaqartut immikkut ittumik pisariaqartitaannut tulluarsagaasumik, ulloq unnuarlu neqeroorummi matoqqasumi inissinneqarlutik atuisunit tamanit atorneqarsinnaasumik.

*Imm. 3.* Isumannaallisakkamik silamiiffissaasunik silaannarissaatigalugu aniffissartalimmik ulloq unnuarlu neqeroorut matoqqasoq peqassaaq.

#### **Kapitali 4**

##### *Ikaarsaariarnermi aalajangersakkat*

**§ 20.** Najugaqaqatigiiffiit 1. januar 2020 sioqqullugu pilersinneqarsimasut, kapitali 1-imi piumasqaatit kingusinnerpaamik 1. januar 2023-mi eqqortissimassavaat.

*Imm. 2.* Najugaqarfiit illersugaasut 1. januar 2020 sioqqullugu pilersinneqarsimasut kapitali 2-mi piumasqaatit kingusinnerpaamik 1. januar 2023-mi eqqortissimassavaat.

*Imm. 3.* Ulloq unnuarlu neqeroorutit 1. januar 2020 sioqqullugu pilersinneqarsimasut kapitali 3-mi piumasqaatit kingusinnerpaamik 1. januar 2023-mi eqqortissimassavaat.

*Imm. 4.* Imm. 1-2 malillugit piffissarititaasut kommunalbestyrelsip qinnuteqarneratigut ukiut marluk tikillugit, Naalakkersuisut akuersereernerisigut sivitsorneqarsinnaapput.

#### **Kapitali 5**

##### *Atuutilerfia*

**§ 21.** Nalunaarut xx xxx 2020-mi atuutilerpoq

*Imm. 2.* Peqatigisaanik Inunnut annertuumik innarluutilinnut ulloq unnuarlu paaqqinniffiit il.il. pillugit Namminersorlutik Oqartussat nalunaarutaat nr. 8, 6. december 2018-imeersoq atorunnaarsinneqarpoq.

*Kalaallit Nunaanni Namminersorlutik Oqartussat, ulloq xx. xxx 2020*

Martha Abelsen

/

Julie Præst Wilche